

شعبان علي

"الغزال الأسمر"

خواطر عامية

سارح ف بحر الشوق

العنوان: سارح ف بحر الشوق
الـصنـف: خـواطر عامية
المؤلف: شعبان علي
إعداد: م. هالة محمود
مراجعة: النوارس
تصميم غلاف: م. أمير عبد الوهاب
مقاسات الكتاب: 21*14
عدد صفحات الكتاب: 100
طبعة أولى: 2020
الناشر: النوارس للدعاية والنشر
رقم الإيداع بدار الكتب والوثائق المصرية: 2020/8863



الإسكندرية 19 ش الحرية تقاطع الظاهر ببيرس
مركز النوارس الثقافي

ت: 01014093883 / 01211999089

Elnwares.advertising@gmail.com

للتواصل على فيس بوك

[/https://www.facebook.com/groups/322676661399274](https://www.facebook.com/groups/322676661399274)

لا يسمح بطباعة هذا الكتاب أو تصويره أو نسخه بأي طريقة ورقية أو إلكترونية
إلا بإذن خطي ومسبق من المؤلف..

الإهداء

أهدي ديواني إلى..
أسرتي أصحاب الفضل الأول
أولادي وزوجتي
كما أهديه إلى..
أصدقائي
وأهدي ديواني إلى..
حفيدتي
أول حفيدة لي ربي يبارك فيها

التعريف بالشاعر

أكتب ما في داخلي منذ أكثر من 34 عام

كنت أحلم أن يكون لي كتاب

أضع به كتاباتي

وقد واتتني الفرصة لعمل الكتاب

كي يصل ما أكتب إلى قلوب الناس

وأسميته

سارح في بحر الشوق

لا أكتب شيء إلا إن كان من القلب

وأكون صادقاً بما أقول

الشعر بالنسبة لي هو غذاء الروح

المقدمة

الصفاء النفسي، والصدق، من أهم مقومات النجاح في الحياة، ومن لا يعرف نفسه لا يعرف الآخر، والأستاذ/ شعبان علي قطع بعنوان ديوانه خواطر شعرية الطريق على متصيدي الأخطاء المتربصين لكل عمل أدبي ناشئ وكأنهم أنبياء، وسد أمامهم طرق التقطيع والتسفية، وليس معنى ذلك أن كلماته تعجز عن وصف المشاعر والتنقيب عن الفكر داخل النفس الإنسانية، فلكل منا عقل وفكر وشعور يستطيع التعبير عنه بشتى الطرق، ونلمح من خلال هذا العمل تدفق المشاعر لدي الكاتب الأستاذ/ شعبان علي وهذا الشعور يحتاج إلى غلاف وإطار جميل كي يصبح عملا قويا ينافس به الأعمال المماثلة للشعراء فمثلا قصيدة "عملت قلبي سفينة" يقول فيها:

وعملت قلبي سفينة
وفيها أنا البحار
وعملت قلبي جنينة
وردها إنت والبستان
رويتها بدموع عنيا

ووقفت عليها حارس
وعملت قلبي سور
وحميت أنا البستان
لا الورد ينجرح
وأشيل أنا ذنبه
منورة القلب والمكان
عمري ما يوم أسيبك
عملت قلبي سفينة
وعملته كمان بستان

المعاني متدفقة والصور غاية في الروعة، عملت قلبي سفينة
وما فيها من تصوير القلب بالسفينة، حيث استحضار صورة
السفينة وكبر حجمها وحركتها في البحر بهدوء وسكينة
وتنقلها في البلاد، وعملت قلبي جنينة نفس التشبيه الجميل،
وعملت قلبي سور، والورد ينجرح، معرض متنوع من الصور
الاستعارية والتشبيهية تحتاج إلى صياغة جيدة وشكل جيد،
نلمح ذلك التميز بعض الشيء في قصيدة (حبه غالي):

حبه على طول جوايا
ودايما خايف عليه
لا يضيع مني تاني

وأندم وأدور عليه
حبه دائما جوه قلبي
من سنين وسنين وسنين
شوقي دائما له واخذني
وقلبي سابقني والحنين
لما بتشوفه عينيا
بحلم به وأروح بعيد
نفسي يبقى حلمي حقيقة
وأنام أنا وأصحي عليه

الموسيقى بدأت تتحرك قليلا نحو الانسجام في اختيار حرف الهاء رويًا، لكنه غير قادر على التنويع، فكرر عليه ثلاث مرات وبعدها جاءت سنين والحنين لتحمل نعمة أخرى ولكنها قصيرة المدى، والمجمل في العمل أنه يحمل فكرا وشعورا فهو كباقي الشعراء محب غارق في الحب، ثم معذب مغرق في العذاب، وهذه الثنائية لا يخلو منها الأدب العربي كثنائية الحضور والغياب، والحياة والموت، والشوق والهجر، والخصام والصلح، لم يتقلب الكاتب في فنون القصيدة العربية لأنه صنف نفسه بداية أنه يكتب الخواطر الراقية

التي ستكبر يوما ما لتكون ديوانا شعريا، لكن قبل الختام
أنصح الأستاذ/شعبان علي بقراءة الشعر العربي القديم قبل
الحديث؛ لأنه المعين الذي لا ينضب، والمصدر الذي
نستلهم منه المعاني والصور والموسيقى، مع أمنياتي الطيبة
بدوام الإبداع.

الأستاذ/ محمد فهمي
عضو اتحاد كتاب مصر

إيه حكايتك؟

هو:

تعالى قوليلي إيه حكايتك؟
قوليتها بس م البداية
كوني صادقة في كلامك
عشان أعرف أصل الحكاية

هي:

الحب لما جاني
كان ليا حلم جميل
وحياتي كانت أجمل
مفيش للفرح بديل
معرفش إيه مستخبي
والفرحة ماليا قلبي

وكل شيء جديد
أتاري الغدر مستني
والحزن ملا قلبي
ولقيت حب كلام
وكلام كله حلو
كلام ولا في الأحلام
لقيت قلبي انكسر
والفرحة منه ضاعت
والحياة بقت ضلمة
ومشاعري خلاص اتباعت
هي دي حكايتي
سلام من غير وداع
دا كل شيء حلو ضاع

الليلة عيد

النهار ده عيد ميلادي
أجمل يوم ف حياتي
والكل جاي يهني
حلوة الصحبة واللمة
والعيلة لما تتجمع
والفرحة ف البيت بتزيد
النهار ده عندنا عيد
والحب ف القلب صافي
له معانا نغمة جميلة
والفرحة الليلة طويلة
وحبهم عندي غالي
مع الصحبة واللمة
النهار ده عندي عيد

قلبك مع مين؟

لمين هتكوني يا حبيبتي
يا مالكة فؤادي وعقلي
يا ترى حاسة إللي ف قلبي
ولا دا إحساسي لوحدي
لما بشوفك بعنيا
ما بشوفش غيرك حواليا
بحس إني فوق السحاب
وأحس إن قلبي بيجري
وإحساسي فرحان بيطير
دا حلم ولا علم
يا ترى قلبك مع مين؟
يا مالكة فؤادي وعقلي

إنّتي الأمل

إنّتي الأمل وإنّتي الحنان
إنّتي البسمة في كل مكان
حبك ف قلبي من زمان
قلبي حبك وليكي مكان
والبسمة هترجع تاني
وهنعيد إلي كان
ونسلمع بقى الأغاني
إلي كانت زمان
نفرح بقى ونعيش
ونحكي إلي ف قلبنا
وأفرح وأعيش حياتي
دا الحلم حقيقة لنا
وأنسى إلي فات
وأعيش إلي جاي
إنّتي الأمل
إنّتي الحنان

كنت صريح

أنا قلتك بحبك
وإنتي ما قلتهاش
عايزاني أقولها تاني
كلامي أنا مش ببلاش
أنا مش عايزك تقوليها
أنا عايزك تحسيها
الكلمة دي كلمة صافية
ف القلب بتبقى دافية
تتقال من قلب صافي
عمرها ما تتقال بعافية
دي كلمة من حرفين
دايما يقولوها اتنين
كلمة واحدة تسعدني
ترجع الفرح لقلبي

الكلام الحلو

الكلام الحلو ياما
بس إزاي إحنا نقوله
من غير زواق وملامة
م القلب لازم نقوله
لو الكلام كله جد
على طول هيخش القلب
لو الكلام يوجع القلب
لا دموع هتنفع
ولا ندم يشفع
الكلام الحلو ياما
بس إزاي إحنا نقوله

قلت إلی عندي

أنا قلتلك الی عندي
وكنت معاکي صریح
مخبیتش حاجة عنك
وكنت لیكی كتاب مفتوح
أنا قلتلك إلی ف قلبي
مفیث سر ولیكی ببوح
عاوز أعرف إلی ف قلبك
خلیكی صادقة ف كلامك
وأنا قلبي هیحس به
حبی وقلبي بقوا قدامك
لما أنا شوفت بس بعینی

قلب دق من جديد
زي فرح في يوم العيد
معاي قلبي مهما
كنت عنك بعيد
والحب إلي يقربنا
بيننا يتولد الحنين
أنا قلتلك إلي عندي

الدنيا غدارة

لما شوفت ضحكتك
قلت الدنيا ابتسمتلي
معرفش إني هكون ضحية
وهشرب من مُر وآسية
لو كنتي صافية من جواي
كانت الدنيا ضحكت معاي
بدل ما تضحك عليكي
إزاي بس ابتسم
والحزن كتير جوايا
كنت فاكر إني حر
لقيتني سجين جوايا
بدل ما أكون سجان

احترت ف أمرك

أنا خلاص احترت ف أمرك
معدش ينفع معاي كلام
كلامك إنتي بقى مزوق
هو بس ع اللسان
إنتي بتقولي حاجة
وجواي حاجة تانية
إزاي أصدق كلامك
مفيش صدق ولو تانية
فاكرة قلبي أنا محطة
ومستنية أشيل الشنطة
قلبي شال منك كتير
معدش ليكي ف قلبي مكان

أنا بحار

عملت قلبي سفينة
وفيهما أنا البحار
وعملت قلبي جنينة
وردها إنتي والبستان
رويتها بدموع عنيا
ووقفت عليها حارس
وعملت قلبي سور
وحميت أنا البستان
لا الورد ينجرح
وأشيل أنا ذنبه
منورة القلب والمكان
عمري ما يوم أسيبك
عملت قلبي سفينة
وعملته كمان بستان

الأيام تبين

بكرة الأيام تبين
مين هو الحنين
مين إلي كان صادق
ومين إلي بقى كداب
وإلي عيشنا ف الحلم
هو طلع أوهام
دنا كنت فاكره فرح
لقيته بإيده الجرح
إزاي بس أرجع
وأعيشه من جديد
وأداوي تاني جرحي
والأمل من جديد

الأمل مفقود

عيشنا سنين ألم
عيشنا سنين جراح
وإمتي القلب يفرح
إمتي القلب يرتاح
دنا فكري دايمًا شارد
والقلب بقي سواح
مش عارف لحد إمتي
هيفضل حبيبي بعيد
والأمل بقي ضايح
معدش فيه جديد
داكل مرة جرح
وليه ملازمي الجرح
وبعيد عني الفرح
وعايش جوايا جرح
خلاص مفيش جديد

ضيعتي حبك

متفكريش إني هبقي عليك
إنتي حد حبه مزيف
إوعي تفكري لما تقوليها
أنا قلبي يغفر ليكي
إنتي جرحتي حب سنين
ليه ما بقتيش عليا
دورتي على نفسك
وسيبتي الجرح ليا
حبي ليكي كان حب صافي
حبك إنتي ألم ودموع
جرحك إنتي جرح قاسي
خلاص معدش لقلبي رجوع
عمري ف يوم ما جرحت قلبك
عشان حبيتك و باقي عليك
معدش ليكي ف قلبي مكان
ضيعتي قلبي
ضيعتي حبي

الحياة أمل

الدنيا دي حلوة أكيد

لو الكلمة حلوة

القلب يعيشها عيد

تاني الأمل راجع

وهنبدأ من جديد

القلب هيدق تاني

هيقول كتير معاني

لسة الأمل جوانا

من تاني مش هنعاني

دا الفرح مكنش بعيد

والبسمة هترجع تاني

وهنبدأ تاني أكيد

ضاع الحب

الحب زمان كان رباني
كنا بنخاف على بعضينا
عمره ما كان كدا متزوق
ولا يقلقنا ولا يبكيينا
الحب زمان كان صافي
كنا بنخاف على بعضينا
كنا زمان بنقول حواديت
والكل فرحان وسعيد
لما حد يبقى غايب
الكل يسأل عليه ويعيد
ونقوله من غيرك حاجة ناقصة
من غيرك القاعدة ملهاش معنى

والكل زعلان عليك
دلوقتي الحب بقى مزيف
تتقال الكلمة من غير إحساس
أهي كلمة بتتقال وخلص
فين الحب بتاع زمان
كان في القلب له مكان
ضاع الحب مع الأيام

الأيام دي راحت

فاكر لما كنا صغيرين
واحنا بنلعب مع بعضينا
ومعانا أطفال تانيين
أهالينا بتبص علينا
والفرحة طالة م العين
كنا بنلعب من حوالينهم
عدت الأيام ومرت
ويوم عن يوم كنا بنكبر
الدمعة م العين فرت
على الأيام الجميلة الحلوة
مبقاش الحب موجود
لو دورت مش هتلاقيه
الأيام الحلوة راحت

حبه غالي

حبه على طول جوايا
ودايما خايف عليه
لا يضيع مني تاني
وأندم وأدور عليه
حبه دايما جوه قلبي
من سنين وسنين وسنين
شوقي دايما له واخدني
وقلبي سابقني والحنين
لما بتشوفه عينيا
بحلم به وأروح بعيد
نفسي يبقى حلمي حقيقة
وأنام أنا وأصحى عليه
قلبي راسم ليها صورة
حطيتها دايما ف خيالي
نقشت اسمها ف قلبي
شوقي ليها لقلبي مالي

قلبي حبك

قلبي حبك إنتي
أخذ هو القرار
لو هيبعد عنك انتي
تبقى حياته دي دمار
حبك دا حب غالي
خلى عقلي مني طار
لو مفيش حب ف حياتي
تبقى العيشة دي مرار
وأسأل نفسي سؤال تاعبني
هي دي جنة ولا نار
يا قلبي إرسى بقى على بر
عشان تبقى يا قلبي حر
لا ف يوم تندم على حب
ولا ف يوم عليه تحتار
قلبي حبك إنتي
قلبي أخذ القرار

فكري شوية

أوعي تفكري ف يوم
قلبي يرجع ليكي تاني
بالعتاب عليكي اللوم
انسي الحب والأمني
يا ريتك تفكري..
ليه حياتك ألم وعذاب؟
ليه حياتك بالدموع؟
والفرح عنك بعيد
خلاص معدش في رجوع
الغربة على طول وخداكي
ومفيش حد معاكي
حياتك بقت ألم

والأيام مرار
فكري بس شوية
وراجعي حساباتك
إمتي تعيشي أيامك؟
متضيعيش كل حاجة
العمر فيه كام سنة
ولا فيه كام يوم؟
عشان نضيع منه يوم

يا ساعة

يا لا يا ساعة عدي
لحبيبي أنا مستني
مش عاوزه أنا يعدي
ولما تشوفه عيني
الوقت معاه يجري
يرقص بقى قلبي
وكمان يقعد يغني
هي بقت دنيتي
على طول أنا بحلم
إمتي الفرح يجمعنا
ونسلم بقى زراغيد
دا فرح يوم العيد
يا لا يا ساعة عدي

بفكر فيكي

أنا بفكر فيكي
وقلبي بينده عليكي
يدق بقى قلبي
وروحى بقت فيكي
كتبت اسمك ف قلبي
من غير أنا ما أخبي
والشوق بقى يخادني
وحبك جوه قلبي
عايش أنا بيكي
ورسمك جوه عيني
وعايشة جوه حنيني
وألـمس أنا إديكي
وحي كلـه ليكي
وأعيش بقى حياتي
وأنسى بقى أحزاني

القلب الطيب

قلبي يا ناس كبير
مليان أشواق وحنين
لو سافرت العالم كله
شوية عليها التقدير
قلبها يا ناس صافي
والحب فيه دافي
والبسمة على الوش صافية
وتداوى كل الجروح
عنيها يا ناس جميلة
لكن كلها حيرة
والفرح جواها كثير
وتشارك الناس أفراحها
جواها الحزن كثير
يا ريت بقى تنساه
وتعيش بالقلب الكبير

الحب صدق

قلت ليكي بحبك
قلتها بكل معانيها
لو حبك إنتي صادق
على طول يحس بيها
الحب كلمة جميلة
يعرفها القلب الطيب
من غير هو ما يقولها
علشان الحب ماليه
مش كلمة تتقال وخلص
دي كلها إحساس
لو إنتي بتحبي بجد
هيكون جواكي عهد
ويكون جواكي حب

أمل حياتي

إنتي أمل حياتي
إنتي كل منايا
من غيرك يا حبيبتي
تبقى دي النهاية
ويضيع الأمل مني
ويغيب الحب عني
وإزاي ألاقي نفسي
وأقول إالي جوايا
وتبقى الغربة وخداني
نفسي أرجع تاني
وأعيش من جديد
الأمل يكون جوايا

وأبدأ تاني أكيد
إنتي الأمل كله
وإنتي كل حياتي
من غيرك يا حبيبتي
تبقى دي النهاية

أجمل يوم

النهارة عندي عيد
قلبي فرحان وسعيد
بحتفل مع أولادنا
والدنيا بيهم تحلى
هي كل دنيتي
بكل دقيقة وثانية
هي كل فرحنا
ولما تغيب شوية
تضيع الحياة مننا
ولما عيني تشوفها
روحي ترد لي تاني
هي أجمل فرحنا
والدنيا بيها تحلالي
النهارة عندي عيد

خلي بالك

كنت ماشي ف طريق
شوفت أنا بنت حلوة
جمالها يا ناس سباني
عمري ما شوفت زيه
والقلب على طول يدق
وتخش قلبي مقولش لأ
الضحكة والبسمة صافية
والحب جميل وله معنى
لو ضاع منا يوجعنا
لو فكرت إنك تحب
خلي عقلك هو إلي يختار
خلي قلبك بس يدق
علشان تعرف المسار
يبعد عنك الندم
ولا ف يوم أبدا تحتار

أحلامك كثير

رسمتها صورة
حطيتها في خيالي
قلت الدنيا ابتسمتلي
وأمي كمان دعيالي
كانت صورة جميلة
بس في خيالي
وأحلامي خدعتني
عن الحقيقة بعدتني
خلتني ف دنيا تانية
وقلبي فرحان سعيد
لقيت نفسي صحيت
ومفيش شيء جديد

عاشت ف حلم
وبعدت عن الحقيقة
يا ترى هلاقيها مرة
ولا أقفل على قلبي
وكفاية بقي أحزان
قلبي شال كثير
أكثر من الجبال
كان نفسه يعيش الحلم
حقيقة قدامه

نفسنا نفرح

نفسنا يا ناس نفرح
واحنا الحزن ملازمنا
والحزن من عندنا
والفرح إزاي ييجي لنا
دا حتى لو جه
بتروح منه المعاني
هيبجي منين الفرح
وخلص مفيش أماني
معدش ينفع فرح
ولا حتى أحزان
كل الحياة ألم
وف كل حاجة دموع
مع كل موقف ندم
ومعدش خلاص رجوع

فين الأمل؟

قلبي اختارك إنتي
بعد تفكير طويل
عمره ما كان يعرف
إنك متستا هليش
نفسى أقولك بحبك
وتبقى الفرحة جوايا
بصيت تحت رجليا
ونسيب أبص قدامي
الجدعنة ف كل الناس
وفيك إنت مشوفتهاش
شوفت ضحكة مش فاهمها
شوفت البسمة مرسومة

كان نفسي أضحي بعمرى عشانك
بس الأمانى معدومة
عمرى ف يوم ما هنادى عليكى
عمرى ف يوم ما هرجع ليكى
إلا لو حسيت بحبك ليا
وتبقالى الأمل والفرح
تبقى دوا جرحى
تبقى سبب فرجى
بس قلبى اختارك إنت
ويا ريته ما حبك إنت

نفسي أقولها

عمري ما أرمي نفسي عليك
لأني صابينة كرامتي
عمري ما هقولك بحبك
إلا أما تحس حبي
لو حسيت بغلاوتي عليك
لو حسيت بحبك
يبقى قلبي خلاص اختارك
هبقى سعيدة بجد ف قربك
لو قلبي حس بحبك ليا
أقول بحبك والفرح ليا
هيدق قلبي إلي اختارك انت
وف بعدك قلبي للثواني يعد
ويبقى قلبي ارتاح بجد
وأقولك يالا بقی نفرح
ونسلمع الزغاريد

ليك تقدير

شايلة ف قلبي ليك تقدير
لما قلتلي صباح الخير
اوعى تفكر أنا نسيك
دايما على بالي
دايما فاكراك
كل دقيقة عيوني شايفك
ف خيالي وف أحلامي
شايفك دايما أهو قدامي
هو دا حلم ولا حقيقة
ولا مشاعري بس بريئة
قلبي قالك إلي فيه
بس يا ريت تحس به
عملت أنا إلي عليا
وسيبت خلاص الباقي عليك

أفهم نفسي

اوعى تزعلي مني
أنا مش عارف عاوز إيه
وإلي بيحصل دا غصب عني
فرحة قلبي تايهة دي مني
أنا مش عارف خطوتي فين
خايف قلبي يروح لبعيد
بسأل نفسي ليه ومنين
ولقيت نفسي عشت وحيد
مش عارف أفرح بالجاي
ولا عارف ع إلي فات أندم
مش عارف أفرق بين حزن وفرح
اوعى تزعلي مني
أنا مش عارف عاوز إيه

فين الفرح

نفسى أفرح من جوايا
إمتى الفرح لينا يعود
ليه الفرح مش نصيبنا
أنا خايف لا الفرح يفوت
مش عارف أبكي ع اللي فات
مش عارف أفرح ولا أخاف
مش عارف أتألم
مش عارف أتكلم
والإحساس جوايا بيموت
فين الأمل
فين الإخلاص
نفسى أفرح من جوايا

يا رب فرح قلبنا

بكره الفرحة يجمعنا
ونبقى كلنا أصحاب
والحب إلي كان غايب
يجمع بقي الأحباب
وأنسى إلي كان بينا
وكفاية بقي عتاب
إلي فات عدى ومر
وكل واحد أهو بقي حر
خلاص انسى كل مرار
صفي الحب ما يفرقنا
دا يجمعنا ولا يبعدنا
بكرة الفرحة دا يجمعنا

بكرة تعرف

بكره تحس بحناني
ونفسك تاخذ مكاني
وتوصل إنت لقلبي
وتحس إنت بحبي
وتتمنى تبقى جنبي
ونكمل بقى فرحنا
يا فرحي بيك يا قلبي
حسيت اليوم بحبي
متعرفش يا قلبي تخبي
ياللا عيش أيام حنيني
النوم فيها مخاصم جفوني
عيش الفرح المالية عيوني
عيش ثوانيا عيش أيامي
واغرق بالحب ف أحلامي
ياللا دوق من شهد حناني

خلص الكلام

أنا قلت إالي جوايا
من غير معمل حكاية
من غير ما أزوق كلامي
كان قلبي ليكي مراية
اوعى ف يوم تخسر حبي
لتخسر مع الحب قلبي
مش هتلاقي زي حبي
مش هتلاقي شبيهه لحناني
مش هتلاقي حد معاك
لا قدامك ولا حتى وراك
هتلاقي نفسك إنت الضايح

خلينا أصحاب

ليه بس العتاب؟
خلينا أحسن أصحاب
قلت كتير كفيافي ملام
تعبت أنا منك
وم الأوهام
لو بتسلي يا حلوة وقتك
قلبي أنا مش تحت أمرك
يا للي كنتي زمان
حب الأيام والسنين
قلبي خلاص معدش عايزك
روحي جربي ناس تانيين
بلاش عتاب
خلينا أحسن أصحاب

قول إلي ف قلبك

جوايا حاجات كثير
نفسي يا ناس تطلع
أقولها بصدق كبير
علشان قلبي يفرح
وأمسح كل دمة
تنزل يا ناس على خد
الحب موجود جوايا
الحب موجود بجد
من غير أي غرض
ولا ضحك على أي حد
الحب جوايا صافي
جوة القلب دافي
وعمري ما فيوم أخاف
طالما بقول يا رب

كفاية عليا

كفاية عليا أشوفك
وأشوف نظرة عنيني
والدنيا الحلوة تاخديني
وقلبي يوديني ليكي
وسحر الحب ياخديني
معرفش أرجع تاني
ولا أعرف فين مكاني
ويسكن الحب قلبي
ونار الحب ما تنطفي
قلبي يبقى حيران
خايف يكون دا حلم
ليليل يكون سهران
يا ساكنة في خيالي
أتمنى تكوني حقيقة
وأشوفك أنا قدامي

اوعي تغبي

اوعي ف يوم تغبي
وألاقي نفسي وحيد
والدنيا للحزن تاخدي
وألاقي نفسي بعيد
كنت أنا موجود
ومش عارف أتكلم
وقلبي بقى مروع
مع نفسه يتألم
عايز أكون فرحان
والدنيا تبقى معايا
دنا لما تشوفك عيني
بنسى أنا اسمي

حبي ليكي غالي
ميهدوش زلزال
لو ضعتي إنتي مني
هيبقى حالي حال
اوعي ف يوم تغيبي

بيهرب مني الكلام

ساعة لما بشوفك
بيهرب مني الكلام
هو إنت صحيح حقيقة
ولا عايش ف الأوهام
خليني أحسن صاحي
خليني مع الأيام
هي إلي هتبين
دا حلم ولا أوهام
الدنيا معاكي جنة
وتحلي معاكي لما
ما تغيبني عني يوم
والفرح بينا يدوم
وتكوني ليا حقيقة
وأبدا ما تكوني أوهام

إنت حر

الفكر هيموتي
مش عارف آخذ قرار
لا عارف أفرح نفسي
ولا أفرح أهلي كمان
بالفكر دايمًا شارد
بجري ورا صورة
وسايب أنا الأساس
والصورة دي فورة
خلاص كبرنا كثير
محدث بيخاف علينا
والاعتماد ع النفس
محدث هيقدر لينا
الفكر هيموتي
مش عارف آخذ قرار

كنت صياد

شوفت غزال جبلاوي
قلت اشتغل صياد
ورميت أنا الشبك
سبقني هو وشبك
وهو إلي اصطاد
وقعت أنا في حبه
وبقيت أسير الغرام
والفكر خادني وجابني
بالزمة مش حرام
عيني بقت سهرانة
والقلب بات حيران
شوفت غزال جبلاوي
قلت اشتغل صياد

قبل ما أشوفك

قبل أنا ما أشوفك
بيبقى جوايا كلام
ولما تشوفك عيني
بيهرب مني الكلام
ولما أروح وأمشي
يهجم عليا الملام
أبعد بعيد حبة
يرجع تاني الكلام
لا عارف أحكيه
ولا عارف أنا أنام
دي صورتها قدامي
شغلاني وانا صاحي

شغلاني ف الأحلام
شكلي كدا بحبك
وبدوب أنا ف قريك
خايف تكوني لغيري
ويبقى دا نصيبي
أعيش أنا الأوهام

الدنيا واخذاني

الدنيا على طول تاخذني
وتوديني لبعيد
أشوف أنا حبيبي
والفرح يبقى جديد
والأمل يعيش جوايا
والقلب يدق بجد
هو دا حلم
ولا مكتوب علينا
هنفرح ولا الدمع
هيملأ يا ناس عنينا
ونشوف قدامنا الفرح
مش مكتوب لينا
مكتوب لناس تفرح
والحزن مالينا

عيونك سحراني

عيونك الحلوة واخداني

على دنيا حلوة موديانى

وقلبي طائر بيكي

وابتسامتك سحراني

كنت عايش سواح

وقلبي مليون جراح

لا عارف أنا أرسى

ولا قلبي دا يرتاح

ولقيت قلبي دق

عندك مقالش لأ

يا طير طائر ف السما

قلبي لقلبك رق

ياريت تبعثلي رسالة
علشان اطمن عليك
غيابك عني طال
دنا نفسي أشوف عنيك

عيونك وخداني بعيد

نفسي يا دنيا ترجعي
ونعيش فيكي من تاني
وللحب كمان تجمعي
ونغني فيكي الأغاني
ويرجع القلب يدق
والفرحة تعيش تاني
والحب لينا يرق
والعمر يعود تاني
دا الفرحة كان بايع
والحب كان ضايح
وإمتي يا دنيا نعيش
والفرحة يقول راجع

كلام الحلو كثير

ليه الوعود كثيرة؟

ولا هو بس كلام

ولا عمرك أبدا صدقت

كلامك كله أوهام

نفرح إحنا بالوعد

ونجري كمان وراها

ولما للحقيقة نعود

ندم على قساها

الفرح لينا كثير

والظلم كمان أكثر

نعامل إحنا ضميرنا

وخذلانهم يدمرنا

ليه الوعود كثيرة

وكله كلام ف كلام؟

حلم جميل

الفرح ف قلبنا
والقلب بقى سعيد
ونعيش بكره الأمل
والفرح يبقي جديد
ونشوف عيون حلوة
تاخذنا هناك لبعيد
والحلم صورة جميلة
وحياتنا بقت حلم
ولا عمره صبح حقيقة
وكان الألم نصيبنا
والفرحة نسيانا

مستكثر الفرح

الفرح لما يبجي
يبقى وراه الخوف
لأنه معادش لينا
والحزن مكتوب علينا
والدمع مالي عنينا
والضحكة أهي تايهة
عشان معدش جديد
هو نصيبنا كدا
بأقدارنا إحنا رضينا

جرح القلوب

ياللي مرحمتش دموعي
إزاي أشتاق إليك
مرحمتش وجع قلبي
إزاي هدور عليك
كان قلبي مليون بحبك
ويموت كمان ف قربك
وجرح قلبي منك
إزاي هفكر فيك
ف قلبي معدش لك
مكان ولا ذكرى فيه
إزاي أحكي عن حبي
وأنا نسيت البداية
كل شيء انتهى
ولا حاجة تأثر فيه.

أفكر ليه؟

الليل علينا طويل
والنوم من عيني طار
والعقل فكره عليل
والقلب صبح حيران
أنا قلبي كان خالي
مرتاح عقلي الليلي
ولا قلبي يقعد يدق
ولا عقلي لشيء يرق
وحتى يوم فكر
ف الجاي ولا إلي راح
لا كلام ولا عتاب
ولا ألم م الجراح
هسيب الدنيا تمشي
زي ما هي عايزة
والليل علينا طويل

شغلت قلبي

ياللي شغلت القلب
وهو كان خالي
شغلت دق القلب
والدق على الفاضي
عيونه كت سحراني
وأسأل على فين واخداني
قالت خليك معايا
إنت مش حد تاني
قلبك دا كان سواح
قلب مليون جراح
وأنا هداوي جروحك
ونعيش الفرحة تاني

انسى كل أحزانك
دا انت إيلي ف القلب
مفيش حد مكانك
يا للي شغلت القلب

تعبنا م الكلام

تعبنا م الكلام
تعبنا م التفكير
كل حاجة تمشي
وياريت في تقدير
إزاي بس نفرح
واحنا الحزن مالينا
والقلب عمال يبكي
والعين الدمع ماليها
عيشت سنين سواح
والقلب مليون جراح
إمتي بس نفرح
عشان القلب يرتاح

الدنيا حلوة

الدنيا حلوة وجميلة
عايزين نحس بيها
نفرح باللي جاي
ونكون مع بعضينا
ونعيش مع الأمل
ونشوفك يا دنيا
بنظرة حلوة جميلة
ونبدأ من جديد
وننسى ألم السنين
ننسى كمان الخوف
والضحكة تبقى طريق
ياللا نعيش الأمل
والحب يبقى صديق

الزمن غدار

خداعة يا دنيا خداعة
وفيكى متوهانا
بنجري فيكى شمال
ونجري كمان يمين
ينزل يا ناس ع الخد
دمع ومالي العين
مين يمسح دمعنا؟
مين يسأل عننا؟
ما قالوا إنتو فين
أنا هقفل على قلبي
وأنسى كمان غلبي
محدث بيسأل عني
عشان أفكر فيه
غدار يا زمن غدار

سحر عيونك

سحرتني عيونك إنتي
حضنتني جفونك إنتي
واسمي بقى غالي
بقيتي أمني إنتي
بقيتي نور عيوني
واسمك بقى قمري
تاج الهنا تاجك
ومنورة في قلبي
حقول أنا بحبك
ولا عمري ف يوم أخبي
قلبك هو سكاني
وضحك هو بسمي
يعني إنتي يا روح الروح
سكاني وعنواني

فين حبيبي؟

نفسى أشوفها بعيني
نفسى أحس الحنان
أشوفها ولو مرة
ومبقاش كدا حيران
قلبي عمال يدق
عمال يدور عليها
توهت أنا في قلبها
نفسى ف صدق الحب
حاسه بعيد عني
مش عاوز ييجي مرة
وماليش في الصدق نصيب
نفسى يا ناس أفرح
نفسى يا ناس أعيش

حضنتني عيونها

الحلوة يا ناس أخذتني
بعيونها يا ناس سحرتني
عيونها صبحت سكاني
وبرموشها كمان غطتني
عشت أنا ف دنيتي
وقلبي كان خالي
من ساعة ما شوفتها
اتغير أنا حالي
وقلبي دق دق
ولا كان على بالي
دي روح الروح بقت
بقلبي حب غالي
هي الأمل والنور
هي كمان الحور
الحلوة أخذتني

سارح ف هواي

سارح أنا ف هواي
وبقلبي عاش الفرح
أحس أنا نجواي
خلاص نسيت الجرح
قلبي خلاص حبها
خايف اعترف لها
ألاقي قلبي جريح
عارف قلبك كبير
مليان أشواق وحنين
وحبك عندي غالي
وأقوى من السنين
خايف أقول بحبك
ألاقي قلبي جريح

حب السنين

قلبي حبك إنتي
وانتي حبيتي مين؟
سهرت عشانك إنتي
وسهرتي إنتي لمين؟
خايف أكون بحلم
وألاقي حلمي بعيد
وليه أنا أحلم
وأزود عذاب جديد
ارحمي قلبي أنا
دا حبك من سنين
ياما سهرني حبك
والقلب زاد أنين

أشوفك ولو مرة
يرتاح قلبي الحزين
وأقولك أنا بحبك
من غير ما حد يلوم
وأملا عيني منك
وأعيش العمر جنبك
وتكوني دايمًا معايا
ونكمل فرحنا

حيرني حبك

شوفت يا ناس قمر

دمها زي الغزال

كل خطوة تمشيها

تحير عقول رجال

عيونها يا ناس جميلة

تترسم لوحة تشوفها

تاخذها بأي وسيلة

حبها يا ناس دا غالي

ومين يوصل لها؟

ساكنة في قلبي دايمًا

وقلبي يروح لها

غايب ليه؟

غايب عني ليك كام يوم
ومطير من عيني النوم
لا عني بتسأل إنت
ولا حتى بالتليفون
يا ترى شاغلة بالك
ولا حد تاني شاغلك
حاسس كلامك كله
وكأنه مش ليا
وعقلي يقولي مش لك
دا عشان ناس تانية
رسييني على بر
غايب عني ليه؟

غالي عندي

حبك إنتي غالي عندي
وطاير به فوق السحاب
وأعمل قلبي له سفينة
وأجمع فيه كل الأحباب
وأقدم قلبي ليكي هدية
يا حلوة يا غالية عليا
وانتي بسمة أمل
وانتي إنتي الحياة
من غير حبك إنتي
هفضل أقول الآه
حبك عندي غالي
وف قلبي له تمن
لو مني يوم ضاع
هدف أنا التمن

ضاع الحب

دورت على الناس
محدث عليا دور
حببت أنا كل الناس
وقلوبهم عليا تحور
كله بيدور على نفسه
لو عاوز حاجة منك
يدور عليك بنفسه
ولما تخلص حاجته
يقولك نسيت الدنيا
ونسى حتى نفسه
هو دا حب دلوقتي

بحلم ف هواي

في إيه يا قلبي
على طول كدا حيران
كل لما تشوفها
تلقى نفسك عطشان
مشتاق على طول ليها
ودايما فرحان بيها
هو دا قدر
ولا دا مكتوب
من أول ما شوفتها
قلت دا هو المحبوب
لو مرة روحت أشوفها
وعيونني ما تلمحها
بلاقي نفسي وحيد

الكلام جميل

عارفة معنى الحب إيه؟
مش كلمة حلوة تسمعيها
ولا غنوة حب تردديها
المهم تحسي بيها
اوعي حد يقول بحبك
تفرحي وتجري وراها
الإحساس بيها جميل
بس الأهم نعيش معناها
القلب بالحب يفرح
ويطير النوم م العين
الحب مش كلمة حلوة
نصدقها ونعيش اللوم

ما شوفت زي جماله

قاعد أنا لوحدي
بتأمل أنا ف الكون
لا عاوز لحد أتكلم
ولا أردع التليفون
شوفت القمر عدى
سرحت في جماله
رسمت لها تابلوه
مشوفتش ف جماله
خلى القلب يدق
واتغير أحواله

النصيب فين؟

شوفت يا ناس القمر
والعقل ف جماله احتار
من حلاوة عيونها
النوم من عيني طار
مكتوب على القلب يدق
مش عارف نصيبه فين
مكتوب علينا نحب
من غير ما نعرف مين

عيش من جديد

سنة قديمة راحت

وسنة جديدة جاية

ناس عيشتها ارتاحت

وناس بالفقر راضية

ياللي عايش لبكره

يوم الحساب جاي

عيش إنت النهار ده

يا عالم ببكرة الجاي

اعمل الخير تملي

عايش سنة أو يوم

لا ف يوم الندم ينفع

ولا عتاب ولا لوم

حبك غالي

حبك إنتي ليا
هو إلي بيواسيني
مين غيرك يا حبيبتي
فاكرني ما ناسيني
من غيرك مليش أحباب
ونبقى ف الدنيا أغراب
حبك إنتي بقي
حتة مني سعيدة
وأحلى حاجة عندي
إنك مش بعيدة
يا ساكنة جوة قلبي
والفرحة دي جديدة

قلبك دا إيه؟

قلبك زي أتوبيس
يقف ف كل محطة شوية
كل ما يشوف بنت حلوة
يظهر لها الحنية
ويرجع يمشي تاني
دي نسمة هوا حلوة
ودي بسمة معدية
ودي لمسة حنان
ودي جميلة وقوية
هو إنت ف فترة سماح
ولا بترتاح شوية؟
ولا قلبك أتوبيس
ولا قلبك دا إيه؟

أنا ماشي

خلاص أنا ماشي

سايبلك الحب ذكرى

عيشي مع نفسك

أمس واليوم وبكرة

يمكن تحسي بغيرك

يتبدل نهارك بليلك

خلاص أنا ماشي

لقيت نفسي معاكي غريب

وهقدر أداوي جرحي

وهلاقي لقلبي طبيب

لا ف إيدك إنتي فرح

ولا عمرك تكوني حبيب

عيشي مع نفسك

يمكن تلاقيها
لا دمك دا ينفع
ومشاعري هقسيها
ولا ندم معايا يشفع
ولا عيشتك راضي بيها

ضيعني حبك

كنت راسمك صورة جميلة

أجمل من كل الصور

خدعتني رسمتي

خدعتني بسمتك

لا عمري ف يوم هسمعك

ولا ليا نفس أودعك

ولا أقدر ف يوم أخدعك

قلبي حبك والسلام

هيروح بعيد من غير كلام

كنت فاكر إني بحسب

لقيتني غلطان ف الحساب

كنت بحب اليوم بساعة

خدعتيني إنتي سنين
ساعة خداعك أد يوم
معرفتك عليها مش هلوم
لكن خلاص عاهدت نفسي
مش هحب حد تاني
مش هامني نفسي أماني

سارح ف بحرك

سارح ف بحر شرق
والقلب كان خالي
عديت على كل البحور
والقلب قال مالي
هو أنا ليه محتار؟
والعقل قال اختار
مش إنت إلي حسيت
وعارف مين إلي شاغلك
أديك أهو رocht وجيت
ولا قلت مين شاغلك
القلب قال:
شوفت بنات كتير

ودي جمالها رباني
قلبي حبها هي
محبش حد تاني
سارح ف بحر هواها
وبحورها تغواني

الفهرس

32.....يا ساعة	3.....الإهداء
33.....بفكر فيكي	4.....التعريف بالشاعر
34.....القلب الطيب	5.....المقدمة
35.....الحب صدق	9.....إيه حكايتك
36.....أمل حياتي	11.....الليلة عيد
38.....أجمل يوم	12.....قلبك مع مين
39.....خلي بالك	13.....إنتي الأمل
40.....أحلامك كثير	14.....كنت صريح
42.....نفسنا نفرح	15.....الكلام الحلو
43.....فين الأمل	16.....قلت إالي عندي
45.....نفسى أقولها	18.....الدنيا غدارة
46.....ليك تقدير	19.....احترت ف أمرك
47.....أفهم نفسي	20.....أنا بحار
48.....فين الفرح	21.....الأيام تبين
49.....يارب فرح قلبنا	22.....الأمل مفقود
50.....بكرة تعرف	23.....ضيعني حبك
51.....خلص الكلام	24.....الحياة أمل
52.....خلينا أصحاب	25.....ضاع الحب
53.....قولي إالي ف قلبك	27.....الأيام دي راحت
54.....كفاية عليا	29.....قلبي حبك
55.....اوعى تغيبى	30.....فكري شوية

77.....	فين حبيبي	57.....	بيهرب مني الكلام
78.....	حضنتني عيونها	58.....	إنت حر
79.....	سارح ف هواي	59.....	كنت صياد
80.....	حب السنين	60.....	قبل ما أشوفك
82.....	حيرني حبك	62.....	الدنيا واخداني
83.....	غايب ليه	63.....	عيونك سحراني
84.....	غالي عندي	65.....	عيونك واخداني بعيد
86.....	بحلم في هواي	66.....	كلام الحلو كتير
87.....	الكلام جميل	67.....	حلم جميل
88.....	ما شوفت زي جماله	68.....	مستكتر الفرح
89.....	النصيب فين	69.....	جرح القلوب
90.....	عيش من جديد	70.....	أفكر ليه
91.....	حبك غالي	71.....	شغلت قلبي
92.....	قلبك دا إيه	73.....	تعبنام الكلام
93.....	أنا ماشي	74.....	الدنيا حلوة
95.....	ضيعني حبك	75.....	الزمن غدار
97.....	سارح ف بحرك	76.....	سحر عيونك